

Na osnovu člana 9. stav (1) Odluke o utvrđivanju kriterija za raspodjelu sredstava sa potrošačke jedinice 24010023 – predškolski odgoj i obrazovanje broj: 10/1-11-016978-1/22 od 27.7.2022. godine, Ministarstvo obrazovanja i nauke Tuzlanskog kantona, objavljuje:

P O Z I V

javnim ustanovama predškolskog odgoja i obrazovanja sa područja Tuzlanskog kantona i lokalnim zajednicama koje nemaju osnovanu javnu predškolsku ustanovu za prijavu projekata za investiciona ulaganja (rekonstrukcija, izgradnja i dogradnja) i nabavku općih sredstava i učila

I

Pozivaju se javne ustanove predškolskog odgoja i obrazovanja sa područja Tuzlanskog kantona i lokalne zajednice koje nemaju osnovanu javnu predškolsku ustanovu za prijavu projekata za investiciona ulaganja (rekonstrukcija, izgradnja i dogradnja) i nabavku općih sredstava i učila.

II

(1) Planirana sredstava u Budžetu Tuzlanskog kantona za 2022. godinu za predškolski odgoj i obrazovanje za investiciona ulaganja (rekonstrukcija, izgradnja i dogradnja), ekonomski kod 6151 – kapitalni transferi drugim nivoima vlasti u iznosu od 204.500,00 KM, raspodijelit će se javnim ustanovama predškolskog odgoja i obrazovanja sa područja Tuzlanskog kantona i lokalnim zajednicama koje nemaju osnovanu javnu predškolsku ustanovu za prijavu projekata za investiciona ulaganja (rekonstrukcija, izgradnja i dogradnja), i to:

a) za izgradnju ili dogradnju objekata za potrebe osnivanja javne predškolske ustanove u lokalnim zajednicama koje nemaju javnu predškolsku ustanovu u iznosu do 100.000,00 KM, s tim da će biti podržan samo jedan projekat,

b) za projekte rekonstrukcije dodjeljuje se iznos sredstava tražen projektnim prijedlogom, s tim da maksimalan iznos sredstava koja mogu biti dodijeljena po projektu iznosi 15.000,00 KM, a ukupan iznos na ime rekonstrukcije objekata iznosi 60.000, 00 KM,

c) za projekte izgradnje i dogradnje dodjeljuje se iznos sredstava tražen projektnim prijedlogom, a maksimalna iznos sredstava koja mogu biti dodijeljena na ime projekata izgradnje i dogradnje iznosi 40.500,00 KM. Prilikom odabira projekata prioritete će imati projekti izgradnje i dogradnje u skladu sa Akcionim planom za period 2022-2024. godine.

III

(1) Planirana sredstava u Budžetu Tuzlanskog kantona za 2022. godinu za predškolski odgoj i obrazovanje za nabavku općih sredstava i učila, ekonomski kod 6151 – kapitalni transferi drugim nivoima vlasti i fondovima u iznosu od 40.000, 00 KM, raspodijelit će se javnim ustanovama predškolskog odgoja i obrazovanja sa područja Tuzlanskog kantona i lokalnim zajednicama koje nemaju osnovanu javnu predškolsku ustanovu i to:

a) za projekte nabavke općih sredstava i učila dodjeljuje se iznos tražen projektnim prijedlogom, s tim da maksimalan iznos sredstava koja mogu biti dodijeljena na ime projekta iznosi 5.000 KM.

(2) Predškolske ustanove i jedinice lokalne samouprave koje nemaju javnu predškolsku ustanovu mogu aplicirati sa po jednim projektom.

IV

(1) Raspodjela sredstava za projekte izgradnje ili dogradanje objekata za potrebe osnivanja javne predškolske ustanove u lokalnim zajednicama koje nemaju javnu predškolsku ustanovu vrši se na osnovu sljedećih kriterija:

- a) obezbijedeno zemljište za izgradnju odnosno objekat čija dogradnja će se vršiti sa svim dozvolama i odobrenjima neophodnim za izgradnju (rješenje o građenju),
- b) obezbijedena projektna dokumentacija za izgradnju odnosno dogradnju,
- c) broj potencijalnih korisnika predškolskog odgoja i obrazovanja.

(2) Sastavni dio projekta iz stava (1) ovog člana obavezno je specifikacija sa predračunom troškova realizacije projekta, te elaborat o osnivanju i izgradnji objekta.

(3) Ukoliko se radi o projektu čija vrijednost prelazi iznos 100.000, 00 KM, predlagač je dužan naznačiti druge izvore finansiranja i iznose sredstava koji će biti finansirani iz drugih izvora.

V

(1) Raspodjela sredstava za projekte rekonstrukcije vrši se na osnovu sljedećih kriterija:

- a) stanje dijela objekta na kojem se vrši rekonstrukcija,
- b) mogućnost sufinansiranja projekta od strane predlagača, ukoliko je vrijednost projekta veća od 15.000,00 KM.

(2) Sastavni dio projekta iz stava (1) ovog člana obavezno je specifikacija sa predračunom troškova realizacije projekta, te fotografije stanja objekta.

(3) Ukoliko se radi o projektu čija vrijednost prelazi iznos od 15.000, 00 KM, predlagač je dužan naznačiti druge izvore finansiranja i iznose sredstava koji će biti finansirani iz drugih izvora.

VI

(1) Raspodjela sredstava za projekte izgradnje i dogradnje vrši se na osnovu sljedećih kriterija:

- a) broj djece na čekanju,
- b) maksimalna popunjenost prostornog kapaciteta u skladu sa Pedagoškim standardima i normativima za predškolski odgoj i obrazovanje u Tuzlanskom kantonu („Službene novine Tuzlanskog kantona“, broj: 8/19),
- c) mogućnost sufinansiranja projekta od strane predlagača, ukoliko je vrijednost projekta veća od 40.500, 00 KM.

(2) Sastavni dio projekta iz stava (1) ovog člana je specifikacija sa predračunom troškova realizacije projekta, te fotografije stanja objekta za projekte dogradnje. Prilikom predlaganja istog predlagač je uz projekat kao dio obavezne dokumentacije dužan dostaviti i urbanističku saglasnost i građevinsku dozvolu.

(3) Ukoliko se radi o projektu čija vrijednost prelazi iznos od 40.500, 00 KM, predlagač je dužan naznačiti druge izvore finansiranja i iznose sredstava koji će biti finansirani iz drugih izvora.

VII

(1) Raspodjela sredstava za projekte nabavke općih sredstava i učila vrši se na osnovu sljedećih kriterija:

a) opremljenost objekta općim sredstvima i učilima u skladu sa Pedagoškim standardima i normativima za predškolski odgoj i obrazovanje u Tuzlanskom kantonu („Službene novine Tuzlanskog kantona“, broj: 8/19),

b) mogućnost sufinansiranja projekta od strane predlagača, ukoliko je vrijednost projekta veća od 5.000,00 KM.

(2) Sastavni dio projekta iz stava (1) ovog člana obavezno je specifikacija sa predračunom troškova realizacije projekta.

(3) Ukoliko se radi o projektu čija vrijednost prelazi iznos od 5.000, 00 KM, predlagač je dužan naznačiti druge izvore finansiranja i iznose sredstava koji će biti finansirani iz drugih izvora.

VIII

(1) Prijave sa projektnom dokumentacijom podnose se Ministarstvu obrazovanja i nauke Tuzlanskog kantona najkasnije do 1.9. 2022. godine.

(2) Predškolska ustanova može kandidovati maksimalno dva projekta po osnovu rekonstrukcije i izgradnje i dogradnje, s tim da finansiranje po osnovu drugog projekta može ostvariti tek nakon što se izvrši vrednovanje i raspodjela sredstava prema svim prijavljenim kandidatima po pozivu za projekte izgradnje i dogradnje, a u skladu sa preostalim iznosom sredstava iz člana 2. tačka c) Odluke o utvrđivanju kriterija za raspodjelu sredstava sa potrošačke jedinice 24010023 – predškolski odgoj i obrazovanje.

(3) Prednost finansiranja po osnovu drugog projekta ostvaruje predškolska ustanova koja u prethodnoj budžetskoj godini nije ostvarila finansiranje iz Budžeta Tuzlanskog kantona sa potrošačke jedinice 24010023 – predškolski odgoj i obrazovanje za investiciona ulaganja (rekonstrukcija, izgradnja i dogradnja – ekonomski kod 6151 – kapitalni transferi drugim nivoima vlasti), odnosno koja je po tom osnovu koristila sredstva u manjem iznosu u odnosu na druge predškolske ustanove.

(4) Predškolska ustanova dužna je prilikom dostavljanja prijave po pozivu za projekte izgradnje ili dogradnje odrediti projekte po prioritetima finansiranja.

(5) Ukoliko ne bude prijavljenih projekata po osnovu izgradnje ili dogradnje objekata za potrebe osnivanja javne predškolske ustanove u lokalnim zajednicama koje nemaju javnu predškolsku ustanovu, projekata izgradnje ili dogradnje ili projekata nabavke općih sredstava i učila, sredstva koja su planirana za ove namjene rasporedit će se na projekte rekonstrukcije.

(6) Ocjenu i vrednovanje projekata provodi Komisija koju imenuje ministar obrazovanja i nauke.

(7) Program raspodjele sredstava i odluku o visini sredstava za pojedine predškolske ustanove donosi ministar.

IX

(1) Prijave sa projektnom dokumentacijom slati putem pošte ili predati na pisarnicu Ureda za zajedničke poslove kantonalnih organa na adresu Fra Grge Martića 8, 75000 Tuzla (sa naznakom-za poziv Ministarstva obrazovanja i nauke Tuzlanskog kantona).

(2) Nepotpune i neblagovremene prijave neće se uzeti u razmatranje.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja i nauke
Broj:10/1-11-016978-2/22
Tuzla, 8.8.2022. godine

MINISTAR
Dr.sci. Ahmed Omerović, s.r.